

王太初先生五岳遊草

簡殘編不幾令先生奇才妙筆漸
至湮沒而岳瀆神靈亦黯然已乎故
於休沐暇特為修輯去其魯魚亥豕
重付之梓俾後之君子披覽是書或
有才而奮於遇歌遊未遂者不出戶庭
展卷如對即有一二高賢能如先生之
遊亦將問途於已經神交於異世共信

先生當日萃天地之大文章堪與五岳
並壽而余亦得附名於不朽也夫
康熙辛未孟春同里後學馮甦題于雙
幘峯下之知還堂

重刻五岳遊草序

天地至大也事物之變至
無窮也而人以眇然七尺
之軀塊處一室眼如針孔
乃欲縱談古今懸斷天下

事勢必不能故古來通人
遠士每喜言遊莊周著書
首以逍遙名篇言鷗鵬之
運自南海以至北海屈平
作騷雲車風馬歷扶桑而

徑崑崙言遊者莫侈焉然
特空語無事實至司馬子
長李太白杜子美韓退之
蘇子瞻陸務觀輩則真足
迹徧天下而其文辭亦遂

雄奇跌宕超絕千古遊亦
何負於人而儒者嫌於玩
物喪志乃有官衡陽而不
登南岳者然則大禹之上
岵嶺孔顏之登泰岱皆非

耶明代聞人如都玄敬喬
白巖王太初王崑崙皆嘗
編遊寰宇皆能以文詞發
摠所覩記而太初先生所
著則有五岳遊草先生夙

植靈根下筆言語妙天下
興寄高遠超然埃壒之外
生長臨海台蕩括蒼自其
家山從給諫出參粵藩副
滇臬典試巴蜀視學兩河

諸岳鎮而外如峨眉太和
白岳點蒼雞足諸名山無
不窮探極討一一著為圖
記茲為詩歌刻畫意象能
使萬里如在目前蓋天下

之宦而能遊々而能載之
文筆如先生者古今亦無
幾人嗚呼名利之毒中於
人心爭錐刀而競尺寸如
鼠入牛角如蠅鑽紙窓正

由不知宇宙之廣日月之
大使能置身物外曠觀遠
覽則諸累可以冰釋太初
為言官而不阿權貴歷方
面而清白著聲擢開府而


堅辭卧丘園而自得非唯
天情曠達蓋亦山水之助
為多焉今遊草一編具在
人於塵勞輾轉之際試一
展卷披尋未有不豁然心

開悠然神往者天機深而
嗜慾自淺以是為解熱之
清風療煩之良藥不亦可
乎余雖好遊而其慕太初
先生之風流頃來台求其

遺集不可得少司寇馮公
再來偶得是編重為梓行
屬余序之其廣遊記廣志
繹諸書則將續購焉馮公
官三事而勇退以山水文

章自娛蓋深有意乎先生
之為人者也

康熙辛未孟秋松陵潘耒
書於東湖寓園



王太初先生

余行遊海內五岳舉矣作菟裘于白
龍溪之澣計了滇雲遂息足焉客有
濯纓詣余溪頭爰問余曰子好遊乎
夫遊亦有道耶余曰夫太上天遊其
次神遊又次人遊無之而非也上焉
者形神俱化次焉者神舉形留下焉

者神為形役然卑之或玩物高之亦
采真客曰其人何如曰若士汗漫于
九垓是天遊也軒轅隱几于華胥是
神遊也尚子長勅斷婚嫁謝幼輿置
身丘壑是人遊也夫玄關寂寥天神
邈矣子猷與二子余曰一丘一壑良
吾願也清溪鑑我心矣抑尚生云婚

嫁既畢五岳必遊余髻鬣之子視吾
年不十四焉猥云婚嫁姜也就木矣
若余則烏能待哉若余則烏能待哉
然則子遊其天乎曰唯唯否否余未
能莽蕩其馬支離其御余遊四荒之
內未能覩六合之外余人之畸也請
言其人曰夫遊淺之乎人也然亦難

言矣思夫馭迴九折踵垂百仞鳥道
羊腸蛇退猿飲幽壑無底顛崖半空
履險心悸手足為痺彼無其具猶弗
遘也抑有益州長老牛山歎逝靚遘
不常河清難俟澤啄王雉樗伏灰驥
白首青山意興盡矣彼非其時猶弗
遘也若夫石室再閉酒壚寂若七聖

踞迷三山風却陰晴未定僕馬告痛
涕笑邂逅萍梗叅差彼厄之緣猶弗
遊也然則孰與子曰茂陵雖渴不余
倦矣少女未老曷事臥矣九州已十
弗類此子矣昔人一泉之旁一山之
阻神林鬼塚魑魅之穴猿狖所家魚
龍所宮無不託足焉真吾師也豈此

三者于余獨嗜嗜與不嗜爾請言予之所嗜曰心志不分者神凝耳目不眩者慮定故丈人之承蜩也若或掇之也夏侯氏之倚柱而書也雷霆而嬰見之也余之嗜遊類有然者夫遊必具賓主戒車徒提筐筭語云良辰美景賞心樂事所以試也余遊則不

擇是當其霜雪慘烈手足輒厥波濤
撼空帆檣半覆朝畏嵐烟夜犯虎跡
垂堂不坐千金誰擲余不其然余此
委蛇于大冶乎何惜遇佳山川則遊
抑或王程有嚴星分夙駕受命大吏
弩矢是荷風波眼底縑塵滿袖迂迴
間道動稱掣肘余不其然余此鷄肋

于枕上乎何有遇佳山川則遊又或
百憂慙心萬事勞形死生離別黯然
銷魂雲陰月黑風雨連旬追懽買笑
強顏掀唇余不其然余此卽當舞袖
一付偃師氏之手遇佳山川則遊吾
視天地間一切造化之變人情物理
悲喜順逆之遭無不于吾遊寄焉當

其意得形骸可忘吾我盡喪吾亦不
知何者為玩物吾亦不知何者為采
真語未畢客乃起曰夫遊道則盡矣
予之遊踪類可述乎曰可請崖畧而
言之神州赤縣五岳為尊聖堦玄帝時
作配自今瑤池寶軸用秘真形誰其
竊之負局先生述五岳遊齊魯雍冀

賢聖之鄉大哉禹功明德未央金臺
易水俠骨生香梁園鄴下秋圃擅場
次大河南北諸遊岷汶萬里其委三
吳再起天目滙為太湖翦氣千年作
帝王都嗟嗟乎邯鄲乎臨淄今之武
林姑蘓次吳遊若夫山川詭幻兩越
為多天台雁宕余即而家東海三山

一葦可跋洞天福地越得十二次越
遊青神故壘白帝舊城雪銷水漲一
日江陵瞿塘劍閣自昔不守蜀道雖
云難登天亦何有次蜀遊六千大楚
是稱江南茫茫洞庭七澤注焉江漢
好遊沅湘習怨指雲雨兮堪疑望蒼
梧兮不見次楚遊粵土踈理四時多

暑高風揚塵滇境咸春碧參玉笋幻
出桂林蒼洱昆華無產竒珍次滇粵
遊披圖九曲是為武夷幔亭雲氣恍
惘霏微莽莽寰區縱余所如嗜而未
食惟閩荔支俟將以閩遊終焉客歛
衽而謝曰有是哉是不可以無記遂
記之岢萬曆纔十有九稔記者滇西

隱吏天台王士性恒叔也

五
卷
洋
書

目
録

十

序

余同年友馮公再來重鋟王太初先生五岳遊草郵致見示余得受而卒業因歎海內山川名勝皆造物所秘惜自大禹輔橐所至探其險怪辨其物類而鑄為鼎伯益復因之而著為經是開闢以來第一部大文章後世

雖有善遊總不能躬歷一隅而抒寫
其大畧惟是古今能文巨手又往往
藉山川奇勝開拓心眼毋論籃輿蠟
屐能盡與不能盡皆可即意中所激
發著為文章踰躑百代龍威丈人所
謂天地大文不可舒亦以此為造物
所秘惜耳非專為登涉之難而言也

太初先生諸作雖為五岳寫照但其
文之沉雄古宕逶迤參錯蓋將畢生
精神與疊嶂層巒扶輿磅礴之氣相
遇沐浴吞吐于寤寐間故能落筆搖
五岳若此今復得再來為之表章重
鐫垂久不致如前散佚與鼎沉泗水
經燬秦灰同一扼腕非文章有神獨

往獨來予兩間必不容磨滅者乎再
來以詩文鉅手所著如滇攷及見聞
隨筆天台記贊石刻諸書博綜山川
人物皆可傳之無窮與太初先生宜
其後先輝映讀書人即著書人爲作
爲述又非偶然也余與再來生年同
而嗜學亦同今老矣抱疴又無不同

計自茲以往皆未必復從事于筇杖
便造物不能秘惜為太初先生之續
猶幸得讀是編以當宗少文卧遊亦
可以極天下之大觀而無憾至于文
章一道再來尚有餘勇可賈乎余也
請從而後也 皆

康熙壬申歲春仲望日閩中後學林

五十六
木
雲銘謹題于西泠旅次

王太初先生五岳游草目錄

卷一

岳游上

附圖
六篇

嵩游記

岱遊記

華遊記

衡遊記

恒遊記

卷二

大河南北諸遊上

附圖
四篇

西征曆

遊西山記

謁闕里記

遊梁記

遊茶城白雲洞記

卷三

吳游上

附圖六篇

吳游紀行

留都述游

遊武林湖山六記

卷四

越游上

附圖六篇

越游注

入天台山志

遊鴈宕記

台中山水可游者記

卷五

蜀游上

附圖四篇

入蜀記上

入蜀記中

入蜀記下

遊峨眉山記

卷六

楚游上

附圖四篇

太和山遊記

楚江識行

遊廬山記

吊襄文

卷七

滇粵游上

附圖
六第

桂海虞衡志續

游七星岩記

汎舟昆明池歷太華諸峰記

游九鼎山記

游點蒼山記

游鷄足山記

卷八

岳游下

登岱四首

泰山行

登太華絕頂四首 太華山

贈華山玄蘇道者二首

與鄒元承登華山入自桃林洞因宿玉女

峯冒雨上三峯絕頂

賦得祝融峯

大河南北諸游下

覽古十一首

涿鹿望華陽臺

叢臺

邯鄲道

銅雀臺

蘓門山

金谷園

北邙

函谷

新豐

驪山

馬嵬坡

陳思俞招飲太白樓

易水篇

雲中謠

晚過申仙臺

秋日登玩花臺

冬日真陽道中

早發羅山

夜宿繁臺

過夷門

秋雨泌陽道中

與尤子輝宿賢隱寺

二首

秣夜再泊朱仙鎮

雪後憶錫子玄然芝樓

憶遊中泉寄錫司徒首三秋日過申陽北門首

北印寒食郊行見醺丘壠者

卷九

吳游下

夜下剡川

四越王臺

西湖

嘉禾烟雨樓

虎丘

慧山第二泉

金山

牛首山

五台集
目錄
燕子磯

來石

謝家青山

白岳東天門

羅漢洞

太素宮

五老峰

釣臺

歸天台

西湖放鶴亭

賦得大江行

立春江行見金山雪霽

金陵懷古二首

王將軍園亭

白下與湯義仍集家弟圭叔宅

再宿王將軍石室四首

除夕泊舟吳閶門寄懷王承父伯仲

春日別周公瑕王百穀張伯起幼于諸君

錫山人日別陳穉登

陳從訓茅平仲飲于京口舟中語次有懷

張助父綠波樓 廣陵曲

賦得紫霄崖 贈黃說仲遊雲間

越游下

泊鄆江

登雪竇寺

余公子招飲湖庄

九日候濟山望海

禹穴

過樵夫亭

兩登巾山雨懋景高亭

桃源行

上華頂

宿石梁

遊仙岩謁文信國公像

蓋竹歌

元夕宿精進寺四首

登金鰲山

黃尚仲讀書委羽洞

華頂太白堂觴別王承父

行至華濤憶王承父錙蓋玉

桃源道上別甘使君應溥

入歡輿懷碩處士歡故居

惡溪道上聽猿聲 詠明岩

七月三日過盤山 過石門

宿靈岩寺 舟次海口

七夕宿江心寺 鴈山雜詠八首

同潘去華何貞父登玉甌峯四首

卷十

蜀游下

五丈原

連雲棧

五岳集
卷一
谷口

五丁峽

琴臺

支機石

浣花草堂

君平賣卜處

薛濤井

巫山

黃陵廟

白帝城

灩澦

江樓八景

余得調去蜀入粵叔明程先生亦有蜀來

共話山川凄然興感賦此短章

江樓歌

楚游下

夢遊楚中因繹為楚歌四首

寄題九疑山

過洞庭五首

與劉元承入蜀至荊門執別二首

滇粵游下

桂嶺守歲效李長吉體

謁柳柳州祠墓

吊劉叅軍黃墓

蒼梧道中

栖霞洞

黃化之招遊端州七星岩

還自粵途中即事二首

昆明池汎舟夜宿太華山縹緲樓上二首

點蒼山雪歌

行定西嶺即事

與鎰憲使質之浴安寧溫泉

九月同吳原掾張養晦二憲文登九鼎山

贈無心

贈月輪

迦葉殿謁尊者

將入滇寄子行

史侍御招飲龍池

再至龍池

携兒滇遊還寄子行

卷十一

雜志

卷十二

雜志

目錄終

雄文
玄理
定稱
並絕

王太初先生五岳遊草卷一

章安馮甦再來重輯

門人陳捷誦侯
男永年硯珍
全校

○岳遊上

記五首

嵩游記

盖余少懷向子平之志。足跡欲遍五岳。乃今始
得自嵩始云。時歲在辛巳六月。余以朗陵令滿

秩繇宛赴汴。跂足可得望太少二室。乃以日壬戌過登封界。入界步騎上下山坡。繇鳥道中出。江北多土山。童峙有河瀆。而無澗溪。獨此石棧。峽持而劍立。草木離披。縈溪水其下。恍惚如行天姥嶺。亦嵩山首途一勝也。未至登封二十里。遙望豐巘如蹲虎豹。意竒之。問牧者云。此名御寨。即少室。是夜入縣宿。風雨驟翻盆下。瞑不見山。頃明稍霽。起出戶視之。則嵩山兀立。縣城之北。而少室從西峙。二室皆白雲衣其半。余乃策

騎出北門時。細雨猶拂人衣面。先繇山東崇福宮。稍東為啟母石。正方三十尺。而厚稱之。余笑謂塗山即示化。當不至膨脝如是。宮後奕碁樗蒲二亭俱廢。止存泛觴遺石。轉而西二里入嵩陽宮外。立唐鉅碑。後植漢封三柏。其最大者。南枝一節瘡甚。後者指此木瘡也。室其中。余遂割瘡。注酒滿引之畢。入拜二程夫子像。復西五里。法王寺。前石池丈許。紫金蓮開中秋一月。云神光說法時。從地涌也。土人往移去。

即覺惜不及其開時見之。日午寺僧以笙簫度法曲。飮畢出山門。復西二里會善寺。為岳神受戒于珪禪師處。後立為戒壇。今亦廢。惟餘四天。玉石柱門外。樹李學士溥光茶榜。筆陳如列戟。復西二十里少林寺。桓楹礙日。龍象如山。長夏無暑。碑刻種々。蘓子瞻趙孟頫輩其尤者。殿前檜栢入霄漢。問秦封槐。則風摧二十年矣。今寺東一槐。亦可數百年。黠僧往々謬指以誇遊人。無辯者。寺四百餘僧。目唐太宗退王世充。

梁世
人所
未知

賜曇宗官。僧各習武藝俱絕。寺為跋陀所創。後
四十年。而達磨來自西竺。跋陀翻經處。天降甘
露。西有甘露臺。是夜宿方丈。聽律師大千為衆
僧說法。推極禪宗。至愉快也。明日詣初祖
庵。行里許。入謁祖。白暫脩眉鳳目。僧言此太子
東渡像也。後居東土。嘗六毒面。雖稍赤。然非今
所傳巨眼胡僧云。庵前三花樹。蓋凌霄藤附檜
而生者。花正開。深紅可愛。自達磨未至時。有之。
左一柏。高興花樹。竝云。盧能鉢盂中帶至也。余

此義
真不
可不
括出

為書六祖手植柏字庵後一小亭為達磨面壁
影石頑高可三尺隱一僧坐石中比丘無言
指石曰公知祖之苦心乎晉魏末世人脩齋誦
經佛正法眼藏失故祖不立文字以九年寂坐
見性遺影而示之教所謂金石可貫也余曰唯
唯第此跡還當掃却楞伽四卷何必非文彼其
三週渡海豎以指迷不則頑寂枯僧墮落外道
又此胡引之也為書偈曰活人做死事難向一
切說打破這片石方許見如來無言首肯久之

相携登五乳峰。蓋山形為飛鳳。又若五乳熊者。
時白雲復變。起山腰。咫尺不見人。累隨六里。
許雲過處。則以袖藏之。至洞。揮袖。片雲從掌畔。
飛出也。洞在右乳。入洞。則寒冽。栗起。不可禁。傍。
陷一隙。無底。僧云。洞初為火龍居。祖至。從此中。
去也。下山轉而南。十里上二祖庵。前岩壁繡。
綴。井四。為祖卓錫而成者。泉相去丈許。味各異。
南上一里。為祖煉麋之亭。登亭。則伊洛二河環。
遶。其下。河外。印山橫。亘山外。復為黃河一線。西。

來河北。又見中條諸山。逶迤不絕。二百里內。皆
一目盡之。卓哉觀也。此去少室絕頂不遠。歛遂
登之。以時大雨後。山澗流水急。沒人脰。且山陡
無別道。故不果也。下山再宿。次日轉而東。十數
里至岳廟。亞少林。壁畫申甫二像。大樹林立。
多糾纏東轉。如手執之者。或云此即岳神為珪
師。一夜移而來也。廟在黃蓋峰下。仰視東峯。凹
處是稱嵩門。乃由黃蓋峯上。挹盧岩瀑布。不啻
龍湫。此去岳頂不數里。亦以雨不果行。而嵩岳

之遊止是矣。山亘數百里，大都皆岩石蒼翠，相間峭壁環崖而立，如芙蓉城列抱于上。太室其大者，少室鉢盂子晉諸峯皆然。而三十六峯則夔如吐蕊，遠望之共成一山也。其寺皆隋唐以前建，而法王一剎則漢永平佛法初入時在達磨四百年之先。其碑刻穹窿數十百道，多古今名賢手筆，而唐碑皆刻佛像無數于上，亦與今製異。其樹多檜柏，即秦五品漢三將軍外古木，蘸天亦多，与寺俱起，經千百年，此宜他寺所

不得伯仲也。然余歎。宇內名山。亡論峨峨。瓦屋。即余家萬八千丈下。猶窮日。乃陟其巔。二室頂。不三十里而遙。而以為神州首嶽。至詩稱峻極于天。何豈此山隱。隣崖。嶠。突出于平原大陸內。以自軒翥。特標所勝。為奇耶。抑戴日至下。為天中鍾顯。蒼最清泚之氣。以總領諸岳。而然乎。或謂山高為崧。詩稱岳之崧。高非嵩嶽之高也。蓋堯時止有四嶽。余聞于楊用修之言云。

岱游記

五岳通言。岳而岱。獸稱宗。蓋訪于有虞氏之書。云。間嘗閱道藏。稱天帝之孫。群靈之府。主世界人民生死貴賤。是又宜焚香炙額。呼聖號。以邀聖者。士女闐駢于海內矣。余戊子。北上京師。以二月望日。登濟寧陸。與陳思俞飲于太白樓。思俞以登岳。憊甚。力是夜。遂趨曲阜。信宿寧陽。時少女風送暖。四郊麥青。雉鳴馬首。見萬仞遠。矗天蒼翠。半出重雲上。意樂之。以日下春不果至。乃宿太安州。次日肅入謁岳廟。鉅如王

宮以堞櫓城其四角為六門。內九石玲瓏乃南海人輦而來者。墀列一檜二松三栢。咸形怪色秀可餐。栢則漢武東封時植也。右為環咏亭。石壁嵌古今詩。多歐陽韓范諸名賢手澤。覽畢問道登山。遂出登封門。取侯囊隨筆記之。出城三里山之麓有朱甍焉。左憇更衣亭。易筍輿而入者。一天門也。入門視岳皆石山而簇軻尚土石錯左。俯澗道石累累。水洊滴流其中。五里有平橋際崖以度者。高老橋也。過短橋左。崕聳立。

此身未登了如指掌文章所也滕畫史也

兩石腹相加。水從天紳岩來。翼石如明珠而附。者水簾洞也。自洞轉數里。右崖竚立。穹窅足覆。馬脊者。馬棚崖也。越崖上。摩空閣。凭之路。僅一綫。從此兩山夾道。謝土而石。磴益峻。嶒無馬足。置處。游人咸脫騎。扱衽而前者。迴馬嶺也。迴馬而上。僧童多擊鼓彈箏于道。以邀游人之賞。游者倦。偈仄喘息。亦時為側耳。則弗覺忽而登其巔。既登而立。內外望。則遙見三天門。尚在雲霄之表。而此為寧陽道中。向所見在雲上者。

乃正無之外郭所謂黃峴嶺也。進嶺西行折東北上而下復下復上者三。乃得地夷曠三里。為快活三也。夷地窮海循崖上視上益斗絕。所謂穴中望天窓者。其下水石相嚙作建瓴聲。枕石嗽之。仰見鉄嶂青壁。真可萬尋。是為二天門也。入門過御帳。宋真宗東封所露宿處。帳前雙松老幹拳曲。勢欲飛舞。然可數百年。而人輒神之為秦物者。五大夫松也。餘帳內畢更上百丈崖。崖有石屋當十榻。竒據石而嘯聲。從磴石間。

出而裂山谷為朝陽洞也。復過大小龍峒。石鏤吐水如龍吟。口然自此上盤道十八折。雙關插天而峽束之。仰視益又奇。輿者至此前人與後人頂踵相摩。應邵所謂盡重累人者。三天門入天門。左折馳道如砥廬。而帝者可三十家廬窮而棹楔立金鋪朱戟。焜耀人目。樹以貝闕承以文石。前為楮池廣畝。而四時之火不絕者。碧霞元君宮也。元君即天孫。或云華山玉女也。禮畢北上而謁青帝宮。凭三觀以望。三觀者。秦觀

刻畫到此
始稱
解

以望長安。周觀以望雒陽。越觀以望吳門。練也。
宮後峭壁十仞。刻太山銘。字大于掌。其下漸就
銷泐者。唐磨崖碑也。右為閩人刻削。以四大字
籠其上者。燕許公東封頌也。又右為孔子崖。復
升為玉皇殿。前磐石輪囷。擎突如戴切雲之
崔嵬者。岳頂也。虛其頂四望。無所不際。天為築
甃半覆之。立石上。誦杜陵齊魯青未了。因令黃
冠一。指之。白雲東來。群峰盡失。非烟非霧。隱
隱蕩漾。在雲下者。大海影也。西南渚鄰如綫。乍

明。乍。滅。者。汶。沆。諸。水。也。徂。徠。素。稱。賓。于。岱。至。此。亦。拱。伏。如。兒。孫。其。它。壑。敦。滿。地。烟。火。聚。落。目。力。所。不。能。竭。者。龜。蒙。鳧。嶧。諸。山。也。頂。前。立。石。如。圭。粗。理。而。玉。質。或。云。內。有。碑。函。之。或。云。止。建。標。為。識。然。非。太。山。石。意。當。時。驅。鐸。致。之。則。秦。無。字。碑。也。從。殿。後。眺。桃。花。洞。其。右。蒼。顏。屹。立。千。尺。不。動。者。丈。人。峰。也。又。東。北。望。黃。華。洞。即。玉。女。修。真。處。與。仙。人。石。閭。咸。杳。眇。不。見。時。罡。風。烈。甚。吹。足。起。寸。餘。幾。墮。復。轉。而。前。視。左。右。二。峯。若。為。岳。頂。之。

輔者東日觀西月觀也。余欲宿日觀望日。為連晨夕翳暄故。諒與余家華頂未明視海底不殊。乃誦東望日本西俯河源八字神懔。舞視觀右一臺。顏者為秦封禪臺也。葛天氏以下封秦山者七十二君。蓋洪荒半矣。非秦漢始。志稱秦碑梁父。漢封石閣。黃帝禪亭。云々。今秦臺石日觀存其名。非故址也。轉而下石益滑。風益怒。過一崖。巨石屹屹下視無底。吹萬撼谷中而起者。捨身崖也。又過一壑。四石如累九支。撐兩崖。

間懸室不落者仙人橋也。入公署視玉女池。凍
雪未消。池頭立石高五尺餘。摩之止得「臣斯」以
下二十九字。則秦李斯斷碑也。下天門入側逕。
拜呂仙像。傍樹雨天下三字石碣者。白雲洞也。
輿人自此咸縱而下。復過高老橋。入一峪。平石
百丈。隸金剛經。字大如斗。萬侍郎恭為刻。水簾
二字于垂流間。最勝。則石經峪也。出峪始見一
山。張拱當前。如不欲為太山下者。狙獠也。山雖
純石。其石巨而奇者。惟岳頂與朝陽洞也。此山

上而視之則奇。為仰石峽而登。如出天關也。下而視之。則大為野曠。俯東諸侯。一目而盡也。記畢。下山麓。眺仙人影。採王母池。呂公洞而歸。守劉君道迂。余曰。岱言止此耶。余曰。岱之游止矣。曰。未也。岱之陽則曲阜焉。其林先聖之所藏魄也。陰則靈岩焉。其寺宋天下四大刹之一也。一不至。岱不成游。余曰。唯。孔林則余謁矣。靈岩未也。乃以次日復循岱之陰。至靈岩。沿澗入夾道。皆土檀。脫膚而軋節。入山門。紅鶴滿林。為開

師法定雙鶴之瑞。定師佛圖澄于石趙間。勅
寺無泉。則見雙鶴棲山麓。遂卓錫而視鶴。立與
錫卓處。咸湧二池。為雙鶴卓錫二泉。殿製三層
二十八角。中須彌。南觀音。北藥師。東釋迦。西阿
彌。各以其方鎮之。為寺正殿。右一古栢。不知
種於何年。折栢西有石竇于地下。門扃不開。為
魯班洞。比數十武。浮圖高十三級。下与洞通。為
辟支塔。繇龍藏折而北。過千佛閣。片鉄高七尺。
作水田狀。或古佛所遺衣身也。為鉄袈裟。香積

厨東石龜高六尺。室其中以盛甘露泉。脉近塞而龜遂裂。好事者引別流以存故實。為甘露亭。又址攝而上。後倚獅子岩。前對雞鳴山。鉄嶂。正方如削。下藏一洞。下標一亭。環四山而立。夕陽之景。收一寺盡矣。為抱靈亭。遠望東岩。縹緲有石如人立。為朗公山寺。碑不下數百。惟蔡卞書大碑一幅。橫經四片。為佳刻。寺南一山有穴。穿見南天。乍視之如明星爛然。冬日之午。正与寺對。為通明竅。王生曰。余讀圖經地志。齊州

山咸起西北。而岱為中龍之委。蓋黃河昔挾濟
流直沽入海云。隋室引河入汴。南行不還。說者
謂不無斷地脉。哉。而岱宗屹立。自雄孕畜千年。
不少替。豈帝自出震。無所假靈于西北耶。然則
岱獨稱宗。非偶然矣。

華遊記

余友人陳貞父以忠艾淳卿穆。嘗過太華登絕
頂。為余道其勝。津々念何得一飛越其間。歲戊
子。適余与元承劉君有西川之命。乃訂華約焉。

以閏六月二十日。道出華陰。令劉若水頗修蘓
杭州故事。亭臺棹碣。無所不葺。斷以待遊人。今
與元承日午至岳廟。讀李藥師祝文。與唐玄宗
諸鉅碑。讀已。登麗譙。坐對三峯。奇峭逼人。王維
馬遠所不能圖也。余神已先往矣。已至縣。遂望
雲臺觀而趨。道中多頽垣。人穴其中。云古長城
也。秦始皇踐華為城。意此十里至玉泉院。院有
石洞。貌希夷睡像。右為山孫亭。據磐石上。前對
三古樹。繞以藤蘿。幽蔭可人。水聲出自石澗。

也。茶罷南向行。兩山夾澗。以入如屏。復如嶂。後山未盡。前山復迎。馬頭彷彿余所居桃源。遂脉然有季鷹雋風之想。五里至第一關。過關為桃林坪。數折而至希夷峽。絕壁刻入成窟。高百餘尺。希夷羽化其中。守者嘗出其顱以求施。後乃具衣冠。葬之。余笑謂此希夷所蛻也。即蟬過舊蛻。尚不顧而俗輩以人道事之。此似之而非矣。峽畔有泉自石中出。匯為泓。盤渦轉轂。以下是第二關也。又數里為莎蘿坪。對坪為上方峰。兩

肅情
勝具
禱
君此
讀之

王右軍
鐵鑲下垂一石池仰出其巔三月遊人至間得
蟻附上滋蔓塞不可辨又數里至十八盤盡
望綠翳如抹名青柯坪諸羽士具笙鏡法鼓出
迎曰遊人止于此也余問不止則何狀曰自坪
至頂二十里蟬鳥遂絕木惟松始生路僅徑尺
臨萬仞壑絕處則鑿石度以木棧欲上令善導
者以絙曳之下則留絙于後其名為懸汲遇險
甚則如猿升木手足相禪不能全用足行也余
顧元承曰毋論其勝即此險吾輩可弗一嘗元

承咲領之。是夜宿坪中。意外雨忽。靈。至明不
休。霧瀾漫布山谷。已稍薄。見遠山如黛。躍而起。
則益復合。咫尺不辨人。黃冠向余曰。高山霧重。
則霖不可登也。元承請稍俟之。余自忖。与山靈
十年之約。今日過其下。不登則不登矣。乃更強
起之。曰。霧厚則不見。險正易。登山耳。遂奮而拉。
元承為樵人。裝揜衣于被。易芒鞋。曳杖頭。佗玄。
蘇。後隨崎嶇三里。至回心石。元承見雨復然。
下微視余。心不回矣。則起束繚黃冠。授絙繫。

末千縑前執之而曳余行遂上千尺撞三折
幾三百步石裂成罅穴罅偏成坎以木枕橫接
之如梯余仰不見撞頂內懾而不言恐阻倅輦
也乃試以手足四據右手扳石坎左手執前枕
枕不捩抗方敢以後足次第承之一黃冠下佐
余足以上初惟伏而升弗覺此至中折兩甚側
足躡岩凹避之回視俯不測之塹又躡枯枝依
其半膽始落矣兩縑稍稍升自撞頂喜曰至是
已騎虎背矣緩行踞絕坂巨石過至百尺峽

此撞為短而峻過之。又轉二石磴而百尺始盡。乃過二仙橋。突石橫三丈為半規形。稍錯寸趾。成步下瞰。無底絕處。則布石為橋。度橋又登頂。數里過雲臺石。取石作蓮花雲作臺之句。又盤旋詰屈而上。為車箱額。益又數折為白鹿龕。石竇處舊有白鹿臥其下。又再折而至老君犁溝。則片石直倚。挿天亦又臨絕壑。杳冥不知其際。中裂一縫如犁而成溝也。好事者必易犁溝為離垢。真成嘆語。溝長與撞稱而險過之。撞有石

登華絕頂不作弓黎之哭神氣

生哉

殺而溝上下皆懸絕。偃倮登且半。風駛余亟呼黃冠。努力繙汲之。元承為書。登天二字。溝絕處當轉身。則以片木度。三步最危。既度。又數百步。為擦耳岩。臨絕。與溝欄。而壁峭直。又過之。步濶四寸許。余舒兩手磨石坎。面壁而足。瑟縮以移。踵半垂外。真伯昏瞀人之射哉。又數十步。當陡崖處。翻身向右折而上。為猢猻愁自撞。至此皆南登也。又南為登岳正道。旋而北。一山如鹿頸。長里許。名曰雲峰。有石簷覆山頂。余為書。凝

雲二字入道房。餘已又數十步。登倚雲亭。則峰之巔也。此望蒼龍嶺多奪魄。余頗喜霧不見矣。出而南走。則過閭王邊遊者惡其名。易以仙人砭。乃徑臨險如行二仙橋。九里許始盡。玄龕曰。此太閭王真不遠矣。余曰。尔亦畏死耶。坐久喘息始定。復北行。數十武。一崖截然。視犁溝更險。第稍短。春時溝崖一切垂鑠。可攀。徂夏。道士收其鑠。余止攀石坎而上。故危較倍。崖頭一洞。雷擊其半。歇墮。洞門紅白二圈。名日月岬。又南數

里樹一棹楔為登岳御道則蒼龍嶺云嶺一石
山側立深谷中大都深百餘丈濶五尺許南高
北下左右斬然如走劍脊上一無所依倚余過
諸險雖慄神不動至此泊然浮之而矣乃兀坐
不敢正視第竊窺先行者少々欲墮因憶陳貞
父華記經七死乃免蓋登華惟不墮則皆萬
仞故千尺撞枯枝折而墮一犁溝足一失墮二
擦耳崖手一脫坎墮三閭王邊值神暈眼花而
墮四蒼龍嶺遇風吹而舉諸嶺外以墮五衛叔

卿下碁。賀老避靜處。崖滑欄折。而墮六七。余度
四死矣。此其難哉。第欲退。亦無路。益又奮曰。蘓
子瞻謂食河豚美。足當一死。矧余得當太華哉。
死生命耳。余生度險多矣。乃握念閉息。仍曳絙。
而寸升之。匍匐至其半。據一石稍憩。黃冠漸曳。
余至頂。于時霧卒合。目不辨下方。第見晦冥內。
樹杪明滅。在脰脰間。故不震。路斷又鑿一石。湫
轉身傾仄而過。爲鷄子翻身。久之。元承亦至。黃
冠曰。此升岳第一險也。過此當無難。又行里許。

至五將軍樹。怪松也。雨驟急。疎松不能蔽。復促行數折。上下踞成絕。而鑿危石攀之。如跨鞍而過。名騙馬石。云倚石望東峰。巨靈掌真成人手。然乃當時墮石。露膚色如此也。謂五崖破裂。與膏溜石。璽者。其懸斷。正等過此。入通天門。爲入岳咽喉。數步至宗上祠。然後爲華岳之麓。猶非岳也。祠後分兩路。西行而後入鎮岳祠。上西峯。東行則入玉女峯。上東峯。余乃由玉女峯入。既至一石如龜甲覆峰頂。腹下皆空。道人界二

為文
之妙
一至此
乎

石室居之。背為祠。玉女。余與元承前後至。宿
祠中。是夕。霖晨起。風霽。俱收。青翠方滴。向之如
螺。如鬣。如巾。笏。出溪。柱烟濤者。今皆環侍。几席
不動。余注目久之。度石梁。視玉女洗頭盆。五箇
咸蹄。謬焉尔矣。欽投一石于玄宗拋簡處。一羽
士住此三十年。不知也。復過細辛坪。一里而儉。
上東峯頂。石滑無坎。脫鳥而行。至頂。見黃河東
奔。三門殷上。似有聲中。條黛色遙接太行。與之
蜿蜒。俱去。東海微雲捧目上。在隱見間。如隔絳
五岳持草

紗。那令人不。發狂大叫也。東下半里為衛叔卿
下基處。石山突起。籠以鍊亭。一橫石臥斷崖上。
余慄不能踐。命羽士為取一碁子而還。下至昭
陽洞。門前三日鏑而洞中鍾自鳴。道者雲堂
迎謂曰。固知公此來矣。余謝不敢當。坐而觀鉄
亭。更勝峰頂也。雲堂復謂余。南峯不可登。潦後
蓬藿長過人。路多缺陷。無踪矣。余意不然之。遂
登。遇荆棘刺面。且披。且行。衣復冒。而卻前人行。
蓬藿後人。不見也。東南走石室。視安真人肉身。

僅頭顱骨骼耳。再上八仙坑。右轉為朝元洞。
尺石成橋。檻折不能度也。回至環翠岩。望之
則洞當峯南面。正所謂削成者。其下何啻千萬
仞。一路如線。僅容趾環抱而過。則足垂外如
擦耳岩。洞前望賀元希避靜處。無路矣。乃有鉄
杙十餘。挿懸崖坎中。布木板于上。攀坎西行。坎
盡掛兩鎖。縋鎖盡復自注。步餘始達避靜處。乃
見全真岩。此不得見也。不知當時持杖運筆時。
足踏何所。真神仙留此異蹟。即禽鳥可飛度而

亦無所駐足。余視之。魂墮。貞父所稱二死信矣。
復北轉。環石脊而過。路斷。又以橫木附之。一岩
昂首欲飛。壁下成峽。引而過其巔。一穴。宣明若
洞天狀。室其牖。其傍見天如井。處亦可跣而露
坐。得三丈木。余且梯而至之。惜鮮哉。則希夷避
召岩也。此丹青所窮矣。又轉而上。為仰天池。
邊有摘星石。吳伯与舊書太華絕頂字。余又為
題縹緲巔。其祠全。天像希夷處。為校大夫毀之。
去。至此披襟振衣。萬里無雲。回巒四合。盡簇擁。

天巧工
眩目

以朝三峯。而三峰交嶺如削。屹踞天表。余以貌
然梯米卓立南巔。北望秦川。黃沙蔽野。涇渭如
毫末。南俯少華三峰。張拱肩腋。三神碑乍客當
前。鬼工天巧。種之眩目。適其時金飈荐涼。衣袂
盡舉。真自絕粒。烟火飄飄。歌仙矣。昔人謂帝座
可通者。哉。至此視東西峰。不啻又在膝下。低數
千尺已。而黃冠頤示余前為松檜峰。後為落雁
峯。東為毛女峰。為王刀三洞。西北斗忤。歷之可
數。雨且沾滴。乃下至希夷先生鍊丹處。與東華

君祠所亦皆石山。嶄絕。又下嶺視巨靈足。可三尺也。復上登西峯。一橫石覆頂為地肺。余蘸聖帝題名其上。又稍北則西峯頂。長安城隱右山下。不見者。更益遙為武功。太白諸山矣。下山至半則玄猷石洞在焉。蓋物太華則三峯如蓮房。諸峰片累之其辨也。獸稱西峯則又自為蓮華。而洞當華心處。余乃為題石蓮房三字。洞無桌席地而飾。已下觀玉井。僅容尺耳。殊無所謂十丈蓮者。泉最甘冽。共二十八坎。遞下之。

為二十八宿潭。盡則入洞而出為水簾。即青
柯坪所見者也。復回宗土祠。令執紼者轉余後
留之。從舊路歸。尚懼蒼龍嶺不能下。意當覆面
如升時狀。以是次第退。至則更挺身直走。即旁
覘不懼。惟回頭視未下者。渺然雲際。若迅風必
移之。猶為他人汗怖不止耳。下溝壑。撞峽。尚半
覆半挺而行。甚者仰卧蟲縮。為坎不能容足。故
也。至回心石。始解紼。比入青柯坪。元承已至久
矣。始整衣履。乘輿而歸。說者謂此山高五千仞。

余固不能以仞計。第始至青柯坪。指西峰之麓。近矣。比至白雲峯。而望蒼龍嶺。猶在天也。過嶺。息將軍樹。扳玉女近矣。而望三峯。猶在天也。至玉女。躡三峯之麓矣。而望南峯。猶在天也。比至南峯。安得不卷石世界哉。大都上青柯坪。非復人境。故遊人每至坪而止。若自坪而上者。止時一於見險。面正崖而行。鳥睹所謂絕勝者耶。惟下視三峯。則四山爭相獻奇。一望千里。溪原草木如畫。間一回首。又戀戀而不忍下矣。若余之

上而霧下而霽。藉賜山靈。尤非淺鮮。乃為詩四章。記之。王士性曰。余睹蒼龍嶺石欄綿亘。誌者謂為漢武帝唐玄宗升岳之御道。二君故自蒙舉哉。蓋余家東海上。嘗問四明上雁湖。過白岳。歷嵩少。觀封泰岱。宿太行。燕山以西。已而噬嶮。嶢雪。尋真玄岳。吾行已半天下矣。得為岳者。四其他山川弗論。既至華山。而後知天下無復險。亦無復勝云。

衡游記

衡岳周廻八百里。大小七十二峯。首起于衡陽之回雁。而尾長沙之岳麓。餘則滿地皆堆阜。如田塍。方就耒耜。故湖南郡國山皆稱衡也。七十二峯。非連峯也。八百里。非盡高山巨壑也。縱衡提攬。登祝融。則一目盡之。大約自岳廟後。拔地而起。二萬丈。前後兩疊。左右中三支。環抱而下者。為正岳。為古今遊觀秩祀之地。余與翰卿汎洞庭。溯沅湘而上。登陸則行古松三十里。蚪枝龍鱗蔽虧天日。皆數千百年物。大風時鼓。濤震

山谷偉哉觀也。樹窮而岳市見。入天下南岳道。
肅謁岳祠。立七十二楹。象峰數神像。就石筍
出地刻之。雲屋皓旰。与岱稱。回宿署中。望岳頂。
微雲翳翠。明星爛然。大快也。晨起櫛沐。雨觸石
出雲。諸峯乃乍明滅。余轉西橋出廟後。從山之
中支以入。山麓東向。為胡文定公書院。增城港
原明渡。卜舍其左。各有像。謂畢乃度。小嶺至絡
絲潭。水激徹見底。溪源從亂石中。跳躍而來。
注之如瀑布。謂絡絲者。聲固有然。形亦似之。再

過玉板橋。有亭翼然。為寶善山房。從山房上十
餘里。為半山寺。入寺。過雨。新涼生。微風吹。片雲
墜。峯腰漸露。其頂左翼一高峯。籠烟霧如隔。絳
紗為芙蓉峯。東南一峰。新翠欲滴。為紫蓋峯。右
翼一峰。屹立無雲。乃為烟霞峯。西南一峯。高與
紫蓋並。為天柱峯。四峯據前山。為半山。四隅半
山前一峯。造寺膝。為香爐峯。道人又指西南孤
石矗天。如倉困然。為石廩。俯為赤帝。嵐光乍開。
將雲渡來。據之不甚了了。登高。望遠。則否。

繇半山後為湘南寺。已又過一敗刹失其名。尚
未觀祝融巔。蓋此皆前山也。度橫嶺方為衡之
後山。過飛來船。一石自空而至如船形。乃入上
封寺。老木支柱。僅二三大雄像存。右轉三里許。
上山之巔。則祝融峯也。俯瞰山。雲出合成大
銀海。不辨下方。一石室祠赤帝。乃西北向。峯頭
有石闌干。礫砢面正南。望岫嵒。与岱宗頂石闌
竒。余謂當移赤帝祠于上。而亭祠之遺址以覽
湘北佳也。已乃雲幕不散。寺僧請先抵會仙橋。

循崖東畔下三里許。石崖屹立千尺。造石為飛
橋橫度之。以非仙人不能。故名。過橋。凭石欄。茵
草而坐。回望壯崖。插漢凌厲。欲飛。隱。腰間有
綫。路若趾跡。然名捨身崖。此南岳第一險絕處。
坐久之前。山雲歸盡。乃復上。祝融則平望千里。
瀟湘如一髮。西南來達山足。北太瀾於洞庭。僧
指洞庭在山北。蒼茫縹緲間。余瞪目久之。猶不
辨。為天為洞庭水也。向入半山。所仰視天柱赤
帝已低在脛。迺之下矣。記稱南極入地三十六

度惟登衡岳祝融。循地予視南海丹臺。見南極
老人星。為前無障礙也。余心脉欲像之。而是
夕霧氣重。月星盡隱。乃悵然返。宿上封。北風怒
雨撼枕。上不得臥。晨起。淩風上觀日臺。見東
海金縷萬條。捧員魄上。太奇。然天台華頂岱宗
日觀。余皆假宿。觀出日。比衡岳較大數倍。豈衡
去海而遙乎。觀已下山二里。入員明洞。禮千手
觀音。連簷接棟。麗于上封。登樓對烟霞之脊。青
葱蓊蔓。深澗鳴玉。亭其西。于恠石竇立中。走獅

伏象種々可愛。與翰卿。悔不夜宿茲樓也。復踰
額度前山。經湘南。岐路過祝雞庵。至兜率寺。
前有池。庵以修竹。然衡岳土咸踈理。漏瀝第皆
雷耳。入門有石書。懶殘岩。詢之。非殘居也。前為
陳玉叔山房。寺後則余從父櫻寧先生。今靈精
舍。出寺循天柱。抵南臺。歷高磴數級。乃至回視
天柱腋。下之山。僧云雲密峯。亦名金簡也。余憶
神禹登岳。夢玄夷滄水使者。授以金書。王簡意
此哉。今禹碑堙沒。僅一刻于岫嶁。及訪魏夫人

宅與鄴侯。懶殘所棲。遁僧皆蒞。無以對。蓋千年
事。往。狐。兔。榛。棘。為家久矣。此去。後。六十里。有峰
如蓮華。重。苞。之中。為方廣寺。最邃。宋朱張二
子。講學之所。以日晡。不獲去。乃南行數里。過飛
來石。下退道坡。百二十級。一石鑿為之中。隱
隱有金牛跡。下坡盡。復宿署中。王子曰。余鄉應
先生。良遊衡山。記衡所自起。謂自岷嶽。滇貴。歷
廣右。象郡之北。桂林之西。經武岡。寶慶。又自南
趨北。湘江。與鎮靖江夾。從而來。至衡陽。漸起。均

嶠諸峰峙為岳頂然後散而為湖南諸郡國以止於洞庭云然漢武南巡尚以道隔江漢望祭于廬江之瀟山而舜狩乃崩蒼梧葬九嶷然乎哉。

有深意

恒游記

北岳廟規曲陽城而半之。夸麗侔闕。余過其門。見巨石肺覆云。自岳頂飛來。依以祀者。因憶岳在渾源之南。或此如所謂行宮者云爾。已聞我國家秩祀不于渾源而正望燎于茲宮。蓋已自

破的

宋而然則意宋失雲中。軒輜使不至而假飛石
以文其陋。寧渠一至渾源以得當所謂真岳者。
歲乙酉。余以次當宣冊代藩。冀且遂往焉。值母
氏戚不果。又歷三冬。嘶試命西還。乃得取間道
出關而西。岳踞州之南二十里。日晡抵州。樵蒸
以入。時暮色。挾寒氣。為威陰風。怒號同雲布山。
谷一無所見。第仰盼其傾崎。殷々矗星。漢興人
拾級循山東北麓而上。高或岬岬盤則紆鬱。
下遞相喁于七里。跨虎風口。樹木多輪菌戟幹。

夢更
奇文
亦程

中臺有沙彌者臘者當道止余登余強之曰君
緣自有後期非今夕也余曰余嘗上峨眉禮普
賢願王渡補陀謁大士茲于清涼叅文殊師三
叅以了震旦勝事耳何得無緣沙彌曰爾昔天
台問丘輩至亦止見當道者返余曰我欲見真
文殊者臘者曰胡衒癡也既又曰文殊文殊余
憶喜禪師之言訶之曰文殊自文殊文喜自文
喜虛室猶粉碎矧乃五嶧樓遂寤見童子執燭
而語之故童子曰先生非癡哉良亦狂矣乃不

指大漠重壤。白草先秋。東北觀盧龍。范陽諸塞。
東遶太行。如屏。滹陀桑乾。清濁漳。貫之稍前。則
漢文。睨謂慎夫人。北走邯鄲道也。西望黃河。無
聲。冰堅可渡。南則雪擁五臺矣。余黯黯中。無覩
唯諾而已。水經稱玄岳高三千九百丈。福地記
著其周百三十里。為總玄之天。余過太行。跡其
分支。自塞外綿邈萬里而來。王氣盤礴厚地。以
配五岳。不誣也。夜闌下禪榻宿。忽夢南天開霽。
見連山玉塵皚皚。此非五臺雪乎。則翼飛而趨。

披蒙茸行。似虎豹向人。欲攬路繇。是蓋院薛而
斗折。幾不可輿。又數里抵廟。貌不甚張。肅入
禮成。漏下已二鼓矣。山雖近塞北。多寒乎。然有
薪可樵。澗可汲。山田可菽。菽牟黍。圃可菜薤。羽
流輩得經年。不出廟門。廟之上為飛石窟。兩崖
削立。竅其中。不知與曲陽石類否。再數十武上
聚仙臺。坐石砦上。緣思趙鞅昔留寶符于常山。
令諸子覓之。獨母卹歸得符。春炁如簡。襄父子
亦趙之雄侯哉。問山中未雲時所見。則從者北

寐澤旦。雲氣莽蕩如前。出門瞪然長視。惟平岡
淺阜。在塵沙霜露中爾矣。想夢中言。遂下山。有
通玄谷。集仙洞。白雲堂。紫芝峪。石胎圖。白龍洞。
俱未至。冀與五臺為它日之游。余披輿地圖。河
北蓋有兩恒岳云。在曲陽者。當飛石西北百餘
里。其上有玄石塚。即飲中山千日酒者。余所至
乃渾源岳也。渾源左太行。右洪河。翼以霍山。五
臺再當其案。有虞氏北巡狩所馮也。總之在渾
源者。近是始。余誦宋祀之陋。及讀李克用刻石。

唐貞觀已先之。漢亦以曲陽。山郡。疑宋始
者非然哉。至于我朝。宇下恒岳馬。補主渾源
紀。而倪文毅猶然非之。夫非別有見。穆以請
于博雅之士。

雲通峰

大壩

高門

虎岩

瀑布

法華

龜背

放母石

耕田

漢封石

竹







無字碑

夫人峯

月親峰

仙影

三天門

黃峴領

馬棚煙

水簾洞

石懸谷

高老橋


天門

精舍

祖









仙山

洞庭





恒山

澤州城

太行山

虎磨

寶鏡

卷之四

